

淮海集

一

據中國國家圖書館藏宋乾
道九年高郵軍學刻紹興三
年謝雱重修本影印原書版
框高十九·九釐米寬十四
·八釐米







淮海集目錄



秦觀少游

卷第一

浮山堰賦

黃樓賦

子瞻詩附

寄老庵賦

湯泉賦

子瞻跋尾

歎二鶴賦

郭子儀單騎見虜賦

和淵明歸去來辭

卷第二 古詩

泊吳興西觀音院

三老堂

送周裕之赴新息令

寄曾逢原

送僧歸遂州

司馬遷

觀易元吉獐猿圖歌

夜坐懷莘老司諫

荅朱廣微

送僧歸保寧

和王通叟琵琶夢

醫者

漫郎

記夢荅劉全美

田居

寄題傅欽之草堂

次韻徐仲車見寄

次韻邢敦夫秋懷

卷第三 古詩

春日雜興十首

和莘老題召伯斗野亭

和虛飄飄

子瞻魯直詩附

和游金山

子由子駿詩附



同子瞻端午日游諸寺賦得深字子瞻詩附

寄陳季常

卷第四 古詩

同子瞻賦游惠山子瞻參寥詩附

馬上口占

別子瞻學士子瞻詩附

和黃法曹憶建溪梅花子瞻參寥詩附

送少章弟赴仁和簿 送李端叔從辟中山

卷第五 古詩

贈蹇法師

送劉貢父舍人二首

南京妙舉亭

次韻奉酬丹元先生

二十七

蘇集目錄

二

送裴仲謨

題雙松寄陳季常

徐仲車食於學官吏或以爲不可云云

次韻夏侯太冲

送張叔和兼簡魯直

題驪裘圖

和東坡紅鞵帶

和王忠玉提刑

題楊康功醉道士石

送蔡子驤用蔡子駿韻

飲酒詩

艇齋并序

和裴仲謨放鬼行

和裴仲謨摘白鬚行

卷第六 古詩

寄寂齋用孫子真韻

南都新亭行寄子發

反初

寄尊薑法魚糟蟹

精思

送揚康功

偶戲

次韻黃冕仲寄題順興步雲閣

正仲左丞生日

病犬

贈女冠暢師

和子瞻雙石

徐得之閑軒

雷陽書事

海康書事

次韻曾存之嘯竹軒

游仙

次韻荅張文潛病中見寄

送喬希聖

與子瞻會松江得浪字

卷第七 律詩 五言 七言

德清道中還寄子瞻

次韻子由斗野亭詩附

鮮于子駿生日

輦下春晴

睡起

次韻莘老初至湯泉詩附

過六合水亭懷裴博士次韻三首

懷孫子實

對淮南詔獄二首

次韻荅米元章

宿參寥房

次韻穎叔南郊告祭上清宮

次韻米元章齋居即事

次韻酬陳傳道

次韻傳道自適兼呈芸叟士

擬郡學試東風解凍

駕幸太學

題虛樂亭二首

懷李公擇次韻三首

題湯泉二首

題王欽之自圓庵

流觴亭二首

游龍門山次程公韻

游龍瑞宮次程公韻

次韻朱李二君見寄

睡足軒二首

卷第八

律詩 七言

寄孫莘老

次韻馬忠玉喜王定國還自濱州

寄李公擇

寄李端叔

寄題倪躬復北軒

寄題盧君斗齋

次韻周開祖

送王元龍赴泗州糧料

次韻子由九曲池子由詩附

次韻子由平山堂子由詩附

次韻子由蜀井子由詩附

次韻子由摘星亭子由詩附

次韻子由光化塔子由詩附

次韻子瞻贈金山寶覺大師子瞻詩附

游鑑湖

謁禹廟

蓬萊閣程詩附

別程公闕程次韻附

中秋口號

子瞻欲使高麗不行

卷第九 律詩 七言

顯之禪老許草庵見處

再用韻參寥詩附

和游龍洞寄孫傳師唱首參寥詩附

送蔣穎叔帥熙河言

和劉僕射感舊言懷

上巳日詔賜宴集

前二

清明前日李觀察席上得風字

次韻羅正之惠絲扇

寄題新息王令藏春塢

送劉承議解職歸養

次韻王仲至侍郎

慶張君俞得子

寄題澄碧軒

寄張文潛

次韻斐君上向守二首

次韻向守登樓眺望首

寄錢節

贈劉景文四首

荅龔深之

次裴仲謨

次曾存之

春日寓直懷參寥

次韻裴仲謨和何先輩二首

荅閻求仁謝參寥彦溫訪於墳所

蘇東坡目錄

五

次韻劉遜父以寧齋

次韻何子溫

次韻宋履中謁大慶退食館中

與鄧慎思沐於啓聖遇李端叔

和程給事贊閣黎化云之什

再賦流觴亭

燕觴亭

會蓬萊閣

次韻侍祠南郊

與李端叔游智海用前韻

和黃冕仲寄題延平冷風閣

次韻謝李安上惠茶

次韻范純夫戲荅李方叔

寄少儀弟

九月八日夜大風雨

云云

送林次中奉使契丹二首

卷第十 絕句

寄孫傳師著作

泗州東城晚望

戲雲龍山人二首

和圓通白衣閣二首 唱首詩附

照閣

睡足寮寄震鼎二弟

次韻參寥見別

與倪老伯輝宿九曲池有懷

春日五首

秋日三首

次韻子由召伯埭見別三首 詩由附

還自廣陵四首

元日立春三首

次韻宋履中題李侯檀藥亭

春集目錄

六

春日偶題呈錢尚書 錢穆父詩附

辱錢尚書和詩送米 錢穆父送米答詩附

擬題織錦圖 古詩附 晚出左掖

次韻蔡子駿瓊花 處州水南庵二絕

三月晦日偶題 次韻東坡上元扈從三絕

卷第十一 絕句

四絕句 別牛司理

送酒與泗州張守 題柳陽道中古寺壁二絕

又別牛司理 和工部侍郎新章

題金華山寺壁 次韻出省馬上有懷蔣穎叔 唱首詩附

元祐三年召至京師云云客者遺予以假山石盆云云

興國浴室院獨坐時兒子湛就試未出

題趙團練畫江干晚景四絕

夢中得此
寧浦書事

題務中壁間
題法海平閣黎

留別平閣黎

卷第十二進策

序篇
國論上

主術
治勢上

治勢下

奏集目錄

七

卷第十三進策

安都
任臣上

任臣下
朋黨上

朋黨下

卷第十四進策

人材
法律上

法律下
論議上

論議下

卷第十五進策

官制上
官制下

財用上

財用下

卷第十六 進策

將帥

奇兵

辯士

謀主

卷第十七 進策

兵法

盜賊上

盜賊中

盜賊下

卷第十八 進策

邊防上

邊防中

邊防下

朱真目錄

八

卷第十九 進論

鼂錯

韋元成

石慶

張安世

卷第二十 進論

李陵

司馬遷

李固

陳寔

卷第二十一 進論

袁紹

魯肅

諸葛亮

臧洪

王導

崔浩

卷第二十二 進論

王儉

韓愈

李泌

白敏中

李訓

王朴

卷第二十三 論

擬郡學試近世社稷之臣論

聖人繼天測靈論

變化論

君子終日乾乾論

以德分人謂之聖論

卷第二十四 傳

浩氣傳

卷第二十五 傳說

九

卷第二十五 傳說

陳僖傳

眇倡傳

魏景傳

汝水漲溢說

心說

二侯說

十二經合義

卷第二十六 表

賀坤成節表

賀興龍節表

代賀太皇太后受冊表

代賀皇太后生辰表

代賀皇太后生辰表

代賀明堂禮畢表

代賀皇太后受冊表

辭史官表

代蘄守謝上表

代程給事乞致仕表

代王承事乞回授一官表

卷第二十七表

代謝勅書獎諭表

代謝加勲封表

代賀元會表

代謝工部侍郎表

代中書舍人謝表

代中書舍人謝上表

代南京謝上表

代中書舍人謝上表

代謝曆日表

卷第二十八啓

謝及第啓

賀呂相公啓

卷第二十八

十

賀蘇禮部啓

賀中書蘇舍人啓

謝程公闢啓

謝館職啓

賀崔學士啓

代賀呂司空啓

代賀中書僕射范相公啓

代賀門下孫侍郎啓

代賀中書劉侍郎啓

卷第二十九啓

代賀王左丞啓

代賀胡右丞啓

代賀京西運判啓

賀京西運使啓

代賀簽書趙樞密啓

代賀蔡相公啓

代賀司馬相公啓

代賀胡右丞知陳州啓

代賀錢學士啓

代賀提刑啓

代回胡右丞年節啓

代回呂吏部啓

代謝中書舍人啓

代賀運使啓

代賀提刑落權發遣字啓

謝胡晉侯啓

代參寥與鍾公實啓

卷第三十 簡

荅傅彬老簡

與蘇先生簡

與邵彥瞻簡

與孫莘老簡

與黃魯直簡

與蘇子由著作簡

與李德叟簡

與蘇黃州簡

下凡二

卷集目錄

士

與李樂天簡

與參寥簡

卷第三十一 文

謁先師文

祈晴文

宗馬通議文

弔罇鍾文

遣瘡鬼文

祭洞庭文

謁宣聖文

告狄梁公文

告李太尉文

祭勾芒神文

代蔡州太守謁先聖文

謁嶽廟文

謁城隍文

祈晴文

謝晴文

卷第三十二 文跋

謝雨文

獲賊祭廟文

赦後省賽文

祭歐陽夫人文

祭韓康公文

祭酺神文

登第後醮謝青詞

代蔡州進興龍節功德疏

正賜庫功德疏

興龍節功德疏二道

蔡州進生辰疏

神宗功德疏

高郵長老開堂疏

寶林開堂疏

乾明開堂疏

醴泉開堂疏

卷第三十三 誌銘

字十一 卷集目錄

二

李狀元

慶禪師塔銘

葛宣德墓銘

徐氏墓銘

虞氏墓銘

李氏墓銘

掩關銘

劉氏研銘

穎師研銘

瀘州任使君墓表

卷第三十四 贊跋

龍丘子真贊

李潭漢馬圖贊

南都法寶一長老真贊

建隆慶和尚真贊

書王蠋後事

書輞川圖後

高無悔跋尾

裴秀才跋尾

錄壯愍劉公遺事

卷第三十五 跋

法帖通解序

漢章帝書
史籍李斯書

倉頡書
鍾繇書

仲尼書
懷素書

書晉賢圖後

書蘭亭叙後

卷第三十六 狀

鮮于子駿行狀

徐主簿行狀

蔡氏行狀

圓通禪師行狀

錄寶林事實

代蔡州進銀絹狀

代蔡州進瑞麥圖狀

代薦蔡奉議狀

卷第三十七 書

蔡集目錄

一三

上王岐公論薦士書

上呂晦叔書

謝王學士書

謝曾子開書

與喬希聖論黃連書

與鮮于學士書

婚書

卷第三十八 記

御書手詔記

五百羅漢記

雪齋記

龍井記

龍井題名記

子瞻跋
尾附

間軒記

芝室記

祖氏先塋芝記

羅君生祠記

蔡州勅書獎諭記

游湯泉記

卷第三十九序

俞紫芝字序

曹號州序

逆旅詩序

揚州集序

會稽唱和詩序

懷樂安蔣公唱和詩序

送錢秀才序

王定國注論語序

集瑞圖序

送馮梓州序

卷第四十哀挽

大行皇太后挽詞二首

韓樞密夫人挽詞二首

俞公遠待制挽詞二首

陳承事挽詞

卷集目錄

四

永壽縣君挽詞

曾子固哀詞

蔡氏哀詞

時宣義挽詞

中書侍郎挽詞

呂興叔挽詞

東平夫人挽章

開封李公挽章

孫莘老挽詞

陳用之挽詞四首

滕達道挽詞二首

自作挽詞

淮海集目錄

海後集目錄

秦觀少游

卷第一 詩

進南郊慶成詩

幽眠

越王

隕星石

山陽阻淺

次韻參寥辛老

送洪景之循州參軍

茶

茶臼

石魚

劉公幹

贈醫者鄒放

贈張潛道

荷花

酬曾逢原參寥見寄山陽作 吳興道中

無題二首

喜雨得城字

東城被盜得世字

夢伯收文公

送佛印

流觴亭

蓬萊閣

送羅正之提刑

卷第二 詩

秋夜病起懷端叔 送孫誠之尉北海

抱甕

讀列子

和顯之禪老

清夜

南池

和王定國

宿金山

別賈耘老

李端叔見寄次韻

陳令舉妙奴詩

自警

陪李公擇觀金地佛牙

雪浪石

和蔡天啓贈文潛之什

早春

赴杭倅至汴上作

無題

織錦圖五首

卷第三 詩

次韻孔彥常舍人曝書

次韻莘老

送陳太初道錄

贈蘇子瞻

次韻安州晚行寄傅師

題五柳亭

秦卷後集目錄

觀寶林塔張燈

還自湯泉十四韻

辨才法師嘗以詩見寄繼聞示寂追次其韻

次韻公闢州宅月夜偶成

次韻公闢即席呈太虛 次韻公闢蓬萊閣

次韻公闢聞角

寄公闢

呈公闢

奉和莘老

中秋致語

致政通議口號致語

口號

悼王子開五首

卷第四 詩

秋興九首

擬韓退之

擬孟郊

擬韋應物

擬李賀

擬李白

擬王子

擬杜子美

擬杜牧之

擬蘇軾

擬李賀

金山晚眺

病中

聞鴈

冬蚊

白馬寺晚泊

雪上感懷

和程給事贈虞道判官首

處州閑題

春詞五首

秋詞二首

齊逸亭

春日

雪中寄丹元子

宿乾明方丈

新開湖送孫誠之

呈李公擇

落日馬上

次韻參寥三首

和書天慶賀秘監堂三首

和書觀妙庵

早春題僧舍

盆池釣翁

賞醪醑有感

首夏

卷第五 雜文

代蘄州謝上表

代程給事乞祝聖表

坤成節功德文疏

代荅范相公啓

賀孫中丞啓

賀吏部傅侍郎啓

代何提舉賀范樞密啓

賀門下呂僕射啓

謝潁州呂吏部啓

荅丁彥良書

與許州范相公書

祭監稅主簿文

卷第六 雜文

雜說

通事說

營書

種變

時食

制居

化治

錢眼

鎖星

添梯

車

禱神

戎冶

書丁彥良明堂議

錄龍井辯才事

書王氏齋壁

題彭景山傳神

淮海間居集序

清和先生傳

法雲長老然香會疏

淮海後集目錄

四

越州請立程給事祠堂狀

精騎集序

故龍圖閣直學士中大夫知成都府李公行狀

淮海後集目錄

淮海居士長短句目錄

卷上

望海潮四首

沁園春

水龍吟

八六子

風流子

夢揚州

雨中花

一叢花

鼓笛慢

促拍滿路花

長相思

滿庭芳三首

江城子三首

滿園花

卷中

文淵閣目錄

迎春樂

鵲橋仙

菩薩蠻

減字木蘭花

木蘭花

畫堂春

千秋歲

踏莎行

蝶戀花

一落索

醜奴兒

南鄉子

醉桃源

河傳二首

浣溪沙五首

如夢令五首

阮郎歸四首 滿庭芳三首

批標憶故人

卷下

調笑并詩十首

虞美人三首

點絳脣二首

品令二首

南歌子三首

臨江仙二首

好事近陳坡跋 魯直

淮海居士長短句目錄

長短句目錄

二



秦觀 少游

浮山堰賦

并引

梁武帝天監十三年用魏降人王足計欲以淮水灌壽陽乃假太子右衛康絢節督卒二十萬作浮山堰於鍾離而淮流湍駛漂疾將合復潰或曰淮有蛟龍喜乘風雨壞岸其性惡鐵絢以為然乃引東西冶鐵器數千萬斤益以薪石沉之猶踰年乃合堰袤九里水逆淮而上所蒙被甚廣魏人患之果徙壽陽戍頓八公山餘民分就岡壠未幾淮暴漲堰壞奔于海有聲如雷水之怪祇蔽流而下死者數十萬人初鎮星犯天江而堰實退舍而壞嗚呼異哉感而作浮山堰賦其詞曰

卷一

一

繫四瀆之並醜兮寔脉絡於坤靈惟長淮之淡漫兮自桐栢而發源貫江河以下鶩兮拉泗沂而左奔走瓘雷以赴海兮駕扶搖而薄山固元氣之宣節兮熄衆兆之災患粵蕭梁之服命兮抗北魏以爭衡信降虜之詭計兮阻湯湯而倒征依兩崖以受土兮羗合脊於中央捷竹笛石之不足兮文沈鐵以厭不祥袤九里以中峙兮截萬派之奔茫大隄屹乎如墉兮杞柳苑其成行展源深而支永兮雖暫是否而必通倏鯨吼以奔潰兮與蒼蒼

爾俱東若燃犀之照渚兮旅百怪而爭道
馬怒而噓蹠兮虎蛟冤而相糾哀死者之數萬兮孤魂逝其焉游
背自然以司鑿兮固神禹之所惡世苟近以昧遠兮或
不改其此度螳螂怒臂以當車兮飛衛銜石而填海惜
梁人之不思兮卒取非於異代豈方迫於尋引兮不遑
議夫無窮將姦臣取容以幸入兮公相援而欺蒙抑五
材囚壯之有數兮特假手於憧憧系曰敦阜寇冥大川
屯精氣扶輿變乾文運徒力頓漂無根潮波復故彌億年

黃樓賦 并引

太史蘇公守彭城之明年既治河決之變民以更生又

四十一

秦卷一

二

因修繕其城作黃樓於東門之上以爲水受制於土而
土之色黃故取名焉樓成使其客高郵秦觀賦之其詞
曰惟黃樓之環瑋兮冠雉堞之左方挾光晷以橫出兮干
雲氣而上征既要眇以有度兮又洞達而無旁斥丹雘
而不御兮爰取法乎中央列千山而環峙兮交二水而
旁奔岡陵奮其攢擎兮谿谷效其吐吞覽形勢之四塞
兮識諸雄之所存意天作以遺公兮慰平日之憂勤繫
夫河之初決兮狂流漫而稽天御扶搖以東下兮紛萬
馬而爭前象罔出而侮人兮螭虎過而垂涎微精誠之
所貫兮幾孤墉之不全偷朝夕以昧遠兮固前識之所

着慮異日之或然兮復厭之以茲墟時不可以驟得兮
姑從容而浮遊儻登臨之信美兮又何必乎故丘觴酒
醪以爲壽兮旅殽核以爲儀儼雲鬢以侍側笑言樂而
忘時發哀彈與豪吹兮飛鳥起而參差悵所思之遲暮
兮綴明月而成詞噫變故之相詭兮道傳馬之更馳昔
何負而遑遽兮今何暇而遨嬉豈造物之莫詔兮惟元
元之自貽將苦逸之有數兮疇工拙之能爲躡哲人之
知其故兮蹈夷險而皆宜視蚊虻之過前兮曾不介乎
心思正余冠之崔嵬兮服余佩之焜煌從公於斯樓兮聊
裴回以徜徉

子瞻謝詩云太虛以黃樓賦見寄作詩爲謝我坐黃樓上欲作黃樓詩忽得故人書中

卷一

三

有黃樓詞黃樓高十丈下建五丈旗楚山以爲城泗水以爲池我詩無餘句萬景驕莫隨夫子獨何妙雨雹散雷推雄辭雜今古中有屈宋姿南山多磬石清滑如流脂朱蠟爲摹刻細妙分毫釐佳處未易識當有來者知

寄老庵賦

或問孫先生之遊湯泉山也嘗於佛祠之旁二松之下
誅薙草茅平夷土塗規以爲庵曰寄老焉予時實從與
見其事願揚摧而陳之僕曰唯唯寄老之區在於湯泉
實惟歷陽東城之域山林鬱其修阻水土婉而滋息風和
氣平物無癘疫其出遊也南則峰巒經亘二百餘里前
望建業之都却顧項王之亭龍窟呀其旁出江漫漫而
徂征東則惠濟真相二剎相望殿寢中開四注修廊間

從遊子於焉相羊沉燎茗飲樂未渠央西則楮落之前
三井天出幽瑟白浪明晦如一旁輸有斛上底有室解
衣入遊百疾爲失北則瓦梁之河陰陵之澤水潦之所
集會魚鼈之所充斥芟菱蒲尊毛髮之富被及鄰國其
入居也則閉關却掃反聽收視內外旣進與妙自會湛
乎若玉淵之澄桴然如槁木之廢其游也其居也無所
適而非道者世奚足以識之哉雖然先生方爲侍從之
臣充諫諍之官論思獻納日不遑給雖欲復從二三子
於寄老之上未可得也一旦功成事畢引老乞身天子
憫之不煩以政公卿大夫設祖道供帳於國門之外酒

闕升車望寄老而歸焉則僕也亦將負杖履而從之矣

湯泉賦

大江之濱東城之野有泉出焉直回峰負深谷分埒引
源迤邐相屬晨夜有聲涵雲注玉薄爲虎鬚狀爲魚目
鱗介莫潛遇者斯浴此何水也哉野老告余曰泓泓洎
洎莫虞歲年不火而燠其名湯泉嗚呼豈非熒惑莅於
上耶燭龍隱於中耶旁通咸池日御之所經耶幽精沈
魄陰償其負耶丹砂黃硫金石之氣醅悍之所激耶德
有常仁惠公而浹寒凝海兮不冰旱焦山兮不竭其或
燥濕外干精氣散越膚革瘡瘍癢筋淫血放蕪汨之暨

流悅幽憂之永脫以沐則髮澤以頽則膚悅其羨流冗
浸捐棄於溝壑者猶能灌蔬稻之畦已牛馬之喝此又
何其然耶吾聞天下之水厥類實繁至於弱水儲陰投
羽必沈火并萃陽爛石灼金祥標醴泉病飲而瘳異紀
滋穴神瀆以流焦溪之習蔓之飾沸潭謝聳取之游其
餘酒墨所發膠鹽是滋啜懷千金飲狂一國哀玉乳以
中涵橫金絲而徑度詭品繆名紛莫為數咸受命於元
精亦各私其所遇若夫匡廬汝水之旁尉氏驪山之下
煙菲掩禱王孫鳥隼之所娛金穴椒房專寵靡曼之所
占則湯泉之中又有顯晦者焉野老蹶然而笑曰善乎

五五

秦卷一

五

齊給之士曳杖而去行歌於塗曰淶沸滂沱奮此泉兮

被山阿吾唯灌沐兮不知其他子瞻跋云余之所聞湯泉

游與太虛之所賦所謂匡廬汝水尉氏驪山其二則余之所見鳳翔之駱谷與渝州之陳氏山居也皆棄於窮山之中山僧野人之所浴藥鹿猿猴之所飲惟驪山當往來之衝華堂玉甃獨為勝絕然坐明皇之累為楊李祿山所汗使口舌之士援筆唾罵以為亡國之餘辱孰甚焉今惠濟之泉獨為三子者詠嘆如此豈非所寄辭遠不為當塗者所洞而為高人之逸才與世異趣者之所樂乎或曰明皇之累楊李祿山之汙泉豈知汙之然則幽遠僻陋之數亦非泉所病也泉固無所榮辱持以人意推之可以為抱器適用而不擇所處者之戒元豐元年十月五日

歎二鶴賦

黃陵郡宅之園有二鶴焉昂然如人處乎幽閑翹翮摧

能飛翻雖雄雌之相從常悒悒其鮮懼時引吭而
哀喚若對客而永嘆圃吏告子曰此紫薇錢公之鶴也
公熙寧時實守此邦心虛一而體道治清淨而忘言既
不耽乎豆觴又不嗜乎匏絃惟此二鶴與之周旋居則
俛仰於賓掾之後出則飛鳴乎導從之先故鶴之來也
則知使君之將至鶴之往也則知使君之將還是時一
郡之人好甚於姻敬愈於客如愛子之居家若寵臣之
在國書從乎風亭之濱夜棲乎月臺之側謂此幸之可
常頗超搖而自得逮公之去于今幾時人各有好鶴誰
汝私具名物於有司鷄鶩易而侮之傍軒楹而蒙叱歷
階祀而遭麾惟主人之故客間一遇而嗟咨余聞而嘆
曰噫嘻有恃而生者失其所恃則悲彼有啄乎廣莫之
野飲于清冷之淵隨林丘而止息順風氣而騰騫一鳴
九臯聲聞于天若然者又豈衛侯之能好而支遁之可
憐哉

郭子儀單騎見虜賦

汾陽征虜
壓以至誠

回紇入寇汾陽出征何單騎以見虜蓋臨戎而示情匹
馬雄趨方傳呼而免宵諸羌駭矚俄下拜以投兵方其
唐祚中微胡塵內侮承范陽猖獗之亂值永泰因循之
空金繒不足以塞其貪嗜自鎧仗不足以止其攘取雲屯

三輔但分諸將之兵烏合萬群難破重圍之虜子儀乃
外施嚴備中輸至誠氣干霄而直上身按轡以徐行於
是露刃者膽喪控弦者骨譙謂今公尚臨於金甲想可
汗未厭於寰瀛頓釋前憾來尋舊盟彼何人斯忽去幢
幡之盛果吾父也敢論戈甲之精豈非事方急則宜有
異謀軍既孤則難拘常法遭彼虜之悍勁屬我師之困
乏校之力則理必敗露示以誠則意當親狎所以徹衛
四環去兵兩夾雖鋒無鏌邪之銳而勢有泰山之壓據
鞍以出若乘擒虎之驄失仗而驚如棄華元之甲金石
至堅也以誠可動天地至大也以誠可聞矧爾熊羆之

屬困乎蛇豕之群於是時也將乘驕而必敗兵不戢則
將焚惟有明信乃成我勳吐蕃由是而引歸師殲靈夏
僕固於焉而暴卒禍息井汾非不知猛虎無助也受侮
於狐狸神龍失水也見侵於螻蟻曷爲鋒鏑之交下遽
遺紀綱而不以蓋念至威無恃於張皇大智不資於恢
詭遠同光武輕行銅馬之營近類曹成獨造國良之壘
向若怨結不解禍連未央養威嚴於將軍之幕角技巧
於勇士之場攻且攻兮天變色戰復戰兮星動芒如此
則雖驍雄而必弊顧創病以何長持秦李南伐之師坐
投肥水新室恃北來之衆立潰昆陽固知精擊刺者非

爲將之良敢必收伐者非用兵之至況德善之身積宜福
祥之天畀故中書二十四考焉由此而致

和淵明歸去來辭

歸去來兮眷眷懷歸今得歸念我生之多艱心知免而
猶悲天風飄兮余迎海月炯兮余追省已空之憂患疑
是夢而復非及我家於中途兒女欣而牽衣望松楸而
長慟悲心極而更微升沉幾何歲月如奔嗟我宿昔通
籍壁門賜金雖盡給札尚存愧此散木繆爲犧尊屬黨
論之六興雷霆發乎威顏淮南謫於天庖予小子其何
安歲七官而五譴越鬼門之幽關化猿鶴之有日詎國

三

卷一

光之復觀忽大明之生東釋纍囚而北還醜天漢而一
洗覺宇宙之隨寬歸去來兮請逍遙於至游內取足於
身復從物兮何求榮莫榮於不辱樂莫樂於無憂鄉人
告予以有年黍稷鬱乎盈疇止有弊廬泛有扁舟濯予
足兮寒泉振予衣兮古丘洞骨中之滯礙眇雲散而風
流識此行之匪禍乃造物之餘休已矣哉桔槔俛仰無
已時舉觴自屬聊淹留汝今不已將安之封侯已絕念
仙事亦難期依先塋而洒掃從稚子而耘耔修杜康之
廢祠補由庚之亡詩爲太平之幸老幅巾待盡更奚疑

淮海集卷第一

淮海集卷第二 古詩

秦觀 少游

泊吳興西觀音院

金刹負城闐闐然美栖止卞山直穹窿茗水相依倚霜
檜鬱冥冥海棕鮮蕤蕤廣除庇夏陰飛棟明朝晷溪光
鳧鷖邊天色菰蒲裏緒風傳晝焚壁月窺夜禮洩雲慧
層空規荷鑑幽汜餘艤烟際下鍾磬林端起顰牙戲清
深嶽峯撲空紫所遇信悠然此生如寄耳志士耻溝瀆
征夫念桑梓攬衣軒楹間嘯歌何窮已

三老堂

趙少師張少
保趙通議

卷之三

堂堂三元老業履冠儔匹蹇諤橫秋霜高明麗朝日竝
道謁溫宣連科收甲乙東南奠藩服西北馳使驛解鞅
環堵安岸幘羶裘屈群姦懾聲歎衆廢起咄叱至今領
麾地謳吟遍蓬華出入雖異途歸潔固如一晚厭方內
遊把袂訪閑逸雲壑慶安車風川駛飛鷁獻酬埃壘外
珠玉在揮筆風標傲松鶴顏髮移丹漆遂令吳越人藻
繪資稱述邈然超世姿髣髴得十七辟靡禮寂滅麟閣
事蕭瑟茲焉出民願名實更炳蔚琬琰琢高詞龍蘭燎
深室福履旣所綏光華無終畢

送周裕之赴新息令

丈人淮海英抗節浮雲外揮毫錯星錦抵掌參竿籟青
春抱脩能脫略無范蔡晚營三徑資百里聊束帶扁舟
歲欲徂古刹夜仍艾去去整羽儀行與高風會

寄曾逢原

孟夏氣候好林塘媚晴輝回渠轉清流藻荇相因依叢
薄起踈籟衆鳥鳴且飛高城帶落日光景酣夕霏即事
遠興託撫己幽思微超搖弄柔翰徒倚絃金徽美人邈
雲眇志願固有違丹青儻不逾與子同裳衣

送僧歸遂州

寶師本巴蜀浪跡遊淮海定水湛虛明戒珠炯圓彩飄

二二二

卷二

二

零鄉縣異腕晚星霜改明發又西征孤帆破烟靄

司馬遷

分韻得
盛字

子長少不羈發軔遍丘壑晚遭李陵禍憤悱思遠託高
辭振幽光直筆誅隱惡馳騁數千載貫穿百家作至今
青簡上文彩炳金瓿高才忽小疵難用常情度譬彼海
運鵬豈復顧繒繳區區班叔皮未易議踈略

觀易元吉獐猿圖歌

參天老木相樛枝歎空怪石銜青漪兩猿上下旁掛
兩猿熟視蒼蛙疑蕭蕭叢竹山風吹海棠社宇相因依
下有兩獐從兩兒花飡草啣令春嬉老筆精湖海推

素志忘形形更奇解衣一掃神扶持他日自見猶嗟咨
金錢百萬酒千鴟荆南將軍欣得之老禪豪取橐爲垂
白晝掩門初許窺房櫳炯炯明冬曦榛蕪羽革分豪釐
殘編未終且歸讀歲暮有閒重借披

夜坐懷莘老司諫

次韻參寥

六合寥寥信茫昧中有日月無根柢古往今來漫不休
青髮素顏從此逝嗟予自少多遭迴氣血未衰心已艾
北渡長淮霜入履南窺禹穴塵生袂日鑿一竅渾沌死
雖有餘風終破碎回車復路可無緣三問道入三不對

答朱廣微

卷三

三

廣微才華殆天賦十歲孤山有佳句又夢東林飲虎溪
歎息清風人不悟自爾所見無全牛桐栢崑崙日傾注
葱蘢曉景破新花蹭蹬老拳擒脫兔身勤事左竟何成
巧迫化工天所怒兩鬢星星滄海頭強學禪那慰遲暮
昨夜燈花吐金粟曉烹鯉魚得尺素笑我徜徉吳楚間
經卷酒卮隨所遇人生迂意十八九月得解顏能幾度
著書準易空自疲服藥求仙良亦悞北風老矣無能爲
行看黃鸝語飛絮安得從君醉百場落筆珠璣不論數

送僧歸保寧

西湖環岸皆招提樓閣晦明如卧披保寧復在最佳處

水光四合無端倪車塵不來馬足斷時有海月相因依
上人弱齡已隸此心目所證惟瑰琦白玉芙蓉出清沼
天然不受緇塵擾坐客一語不入意目如明星視飛鳥
冠切雲兮佩玉難上人顧之真等閑應緣聊入人間世
興盡却歸湖上山伊余久欲窺禹穴矧今仲父官東越
行挽秋風入剡溪爲君先醉西湖月

和王通叟琵琶夢

鷓鴣鳴時衆芳歇華堂夢斷音容絕風驚玉露不成圓
一夜芙蓉泣秋月金紋捍面紫檀槽曾抱花前送酒舸
庾郎江令費珠璧小砑紅氍揮兔毫風流雲散令人瘦

三五七

秦卷二

四

忍看麴塵昏錦綬楚水悠悠更不西上天破鑑空依舊
醫者

塊然一氣初渾淪散作六物相吐吞主承客禦勝復存
是爲萬物疾病原寥寥空陂遊寬魂誨此法術成軒轅
金書玉冊要不煩煥如星宿不可捫時遷聖祖遂幽昏
弊俗竊以資利源余嘗感繁期明論世無妙質孰與言
因君乞詩置屋軒聊復援筆賦本根

漫郎分韻得桃字

元公機鑒天所高中興諸彥非其曹自呼漫郎示真率
日與聾叟爲嬉遨是時胡星殞未久關輔擾擾猶弓刀

首豈不聞易五殺三士空傳殺二桃心知不得載行事
俛首刻意追風騷字偕華星章對月漏洩元氣煩揮毫
猗玕春深茂花竹九疑日暮吟哀猱紅顏白骨付清醪
一官於我真鴻毛乃知達人妙如水濁清顯晦惟所遭
無時有祿亦可隱何必龕巖遠遁逃

記夢荅劉全美

歲逢困窮斗申指辰次庚辰漏傳子夢出城闈登古原
草木縈天帶流水千夫荷鋪開久殯前有一人狀瓌偉
素冠長跪丞酒殺云是劉郎字全美馬鳴車響斷還續
人境晦明秋色裏旣寤茫然失所遭河轉星翻汗如洗
世傳夢凶常得吉神物戲人良有旨全美聲名海縣聞
閉門當開乃其理娟娟二十四橋月月下吹簫聊爾耳
洗眼看君先一鳴九萬扶搖從此始

田居四首

雞號四鄰起結束赴中原戒婦預爲黍呼兒隨掩門犁
鋤帶晨景道路更笑喧宿潦濯芒屨野芳簪髻根霽色
披宵靄春空正鮮繁辛夷茂橫古早錦雉嬌空園少壯已
雲趨伶俜尚鷓鴣蹲蟹黃經雨潤野馬從風犇村落次第
集隔塍致寒暄眷言月占好努力競晨昏

入夏桑柘稠陰陰翳墟落新麥已登場餘香猶占箔隆

曉破層陰霽霽收遠壑雌蜺卧滄漪鮮飈泛蕪薄林深
鳥更鳴水漫魚知樂羸老獸煩歇解衣屢槃礴蔭樹濯
涼颼起行遺帶索家婦餉初還丁男耘有託倒筒備青
錢鹽茗恐垂橐明日輸絹租鄰兒入城郭

昔我蒔青秧廉纖屬梅雨及茲欲成穗已復頽星暑遲
暮易昏晨搖落多砧杵村迴少過從客來旋炊黍興發
即杖藜未嘗先處所褰裳涉淺瀨矯首沒孤羽藜祠土
鼓悲野埭鷓鴣雞舞雉子隨販夫老翁拜巫女辛勤一作稼穡
事惻愴田疇語得穀不敢儲催科吏旁午

嚴冬百草枯鄰曲富休暇土井時一汲柴車久停駕寥

四

秦卷二

六

寥場圃空跼跼烏鳶下孤榜傍橫塘喧春起旁舍田家
重農隙翁媪相邀迂班坐釀酒醪一行三四謝陶盤奉
旨蓄竹筍羞雞齒飲酣爭獻酬語闕或悲咤悠悠燈火
暗刺刺風颼射客散靜柴門星蟾耿寒夜富疑作當

寄題傅欽之草堂

河陽有狀流經營太行根盛德不終晦發爲清濟源斯
堂濟源上太行正當門仰視浮雲作俯窺流水奔脩竹
帶藩籬百禽鳴朝暎相望有盤谷李愿故居存主人國
之老實惟商巖孫班行昔供奉亟進逆耳言天子色爲
動群公聲亦吞蕭條冰霜際不改白玉温出處士所重

其微難具論公勿思草堂朝廷待公尊

次韻酬徐仲車見寄

渭清非勝涇蘭芳本無慕我生季葉中乃與古人遇職
當供洒掃匏繫愧遲暮來章感存沒三讀淚如注

次韻邢躬夫秋懷十首

以微雲淡河漢疎
雨滴梧桐爲韻

驅車陟高丘却望大梁圻馳道入雙闕勾陳連太微夷
門壯下屬清洛相因依美哉吾黨士臯尚良可希

暮有二客至俱以能禪聞一枝惠林出一派智海分言
各不相可往來劇絲棼謝客姑舍是妨余醉看雲

昔者曾中書門戶實難瞰筆勢如長淮初源可觴濫經

三六十一

秦卷二

營終入海欲語焉能暫斯人今則亡悲歌風慘愴

渤海有巨鼈其顛冠差我宿昔嘗小抃八絃相盪摩忽
遭龍伯人一舉空潮波取皮煎作膠清此崑崙河

蝮蛇初螫手壯士斷其腕豈不悲毀傷所卹在軀幹西
羌沙鹵地置戍或煩漢雞肋不足云阿瞞妙思筭

湯湯辟靡流中有學子居但說若稽古言猶三萬餘來
者轉相祖詞林日凋踈稍喜績溪令入校天祿書

匠氏構明堂百材入斤斧儻非豫章棟冗長亦焉取英

英范與蘇登守慶帥器識兼文武胡爲先一州不用作霖雨

憬彼高句麗來脩裔夷職天都富如海勞汝送滄滴軸

鱸尾相銜遠近困供億止沸當絕薪揚湯百無益
祖宗舉賢良充賦多名儒執事惡言者此科爲之無雖
有仲舒錯或橫江潭魚果欲鳴鳳至還當種椅梧
邢侯秋卧病揮毫見深衷賡者二三子翕然笙磬同不
爲兒女姿頗形四方風屬有山水念因之絲與桐

淮海集卷第二

淮海集卷第三

秦觀 少游

春日雜興十首

飄忽星氣徂青陽，迫遲暮鳴飛各有適。赤白紛無數，雨
砌墮危芳。風軒納飛絮，寒幃香霧橫。岸幘雲峰度，林影
舞窻扉。池光染衣履，參差花鳥期。蹭蹬琴觴趣，撫事動
幽尋。感時遺近慕，秣馬膏余車。行行不周路。

結髮謝外好，僂希前修。緲挾江海志，耻爲升斗謀。齟
齬難刻畫，賤貧多費尤。發軔背伊闕，解驂憇邗溝。丹鉛
費永晷，麴蘖歐深愁。壁月鑿簾櫳，珠星絡梧楸。泯泯渠
水駛，霏霏花霧浮。公子悵何許，撫膺徒離憂。

澶澶故邑井，猗猗上宮蘭。不食自清潔，莫服更幽閑。志
士恥弱植，卷跡甘飢寒。佳晨追良覲，觸物懸悲端。川途
眇回遠，經歲曠音翰。豈不慕裘馬，詭得非所安。蟬冕多
怵迫，繩樞甚憂患。枉尋竟何補，方枘誠獨難。

吳會雖褊小，海濱富奇峰。天雞一號叫，劍戟明遙空。谿
谷相徑復，深林杳攢叢。猿吟虎豹啼，雲氣迷西東。中有
遷世士，超然閔孤蹤。被蘭服明月，起坐松聲中。夜銀吸
沆瀣，朝琴庇青葱。騎星友元氣，巢許安可同。俛眄區中
人，飛埃集毛鋒。問津或不繆，從子游鴻蒙。

東方有美人容華茂春粲抱影守單樓含睇理哀彈聲
意一何切所歡邈雲漢徒然事膏沐孰與徂昏旦微誠
浪自持嘉月忽復晏巧轉度虛櫺飛紅觸幽幔歲歲芳
草滋夜夜明星爛合并會有時索居不必歎

寢瘵倦文史駕言從遨嬉颶風舉遙淑規麗清漪含
桃粲朱實杜若懷碧滋娉娉弱絮墮圍圉文魴馳明霞
廓遠矚哀禽攪離思縛草天際合孤雲川上移寬閑絕
輪鞅重複多路歧信美難久佇歸歎從所治

昔我遊京室交通五陵間主客各英妙袍馬相追攀千
金具飲啜百金雇吹彈纓弁羅廣席當頭舞交竿鮮粧
耀淥酒采纈生風瀾燈燭暗夜艾士女紛相班歡娛易
徂歇轉眄如飛翰豐贖負孤願離離銜永歡山鳥窺茗
飲簷花笑蔬飧棄捐勿重陳事定須蓋棺

客從遠方來遺我昭華管吹之動人心異境生虛窾礫
礫青嶂橫泱泱春溜滿馬蹄交狹邪車轂錯平坦士女
竟芳屐禽魚蔭修竿依微認睇笑淩沒見纖短停吹歛
浪滅耿耿復空館靈物信所珍顧恨知音罕

桃李用事辰鮮明奪雲綺繁華一朝去默默慚杞梓時
徂鷹化鳩地遷橘爲枳獨有羨門生後天猶當作不死

藝籍燔祖龍斯又就淪喪帝矜黔首愚諸雋一作出相望楊

馬援宏綱韓柳激頽浪
延安妙謳吟風槩亦超放玉繩
帶華月艷艷青冥上奕
四希末光經緯得無妄兒曹獨
何事詆斥幾覆醬原心百
自誣猥欲私所尚螳蚋拒飛
翰精衛填溟漲吐吐徒爾為東海固無恙鸚鵡日彫滅
黃口紛冗長投袂睇層霄
茲懷誰與亮

和孫莘老題召伯斗野亭

淮海破冬仲雪霜滋不平菱荷枯折盡積水寒更清輟
棹得佳觀湖天繞朱甍信美無與娛濁醪聊自傾北眺
桑梓國悠然白雲生南望古邗溝滄波帶蕪城村墟翳
茅竹孤烟起晨烹簷間鳥聲落客子念當行攬衣視日

五七十五

卷之三

三

景薄陰漏微明何時復來遊春風發鮮榮

孫莘老倡淮

澤千里平一渠開防豬物色故不清老僧喜穿築北戶
延朱甍簷楹斗杓落簾幃河漢傾平湖杳無涯湛湛春
波生結纜嗟已晚不見芙蓉城尚想紫茱盤明珠出新
烹平生有微尚一舟聊寄行遇勝輒偃蹇霜鬚刷澄明
可待齒牙豁歸歟謝浮榮黃魯直和謝公所築壙未
數曲池平蘇州來賦詩句與秋氣清結構擅空闊湖光
浮棟薨維斗天司南其下百瀆傾具宮產明月含澤遍
佳我來抄擷淮海間風烟縵十城籟蕭吹木末浪波沸庖
脚東西平孤亭得心憇暮景舍餘清坐待斗與牛錯落
掛南甍老僧如宿昔一笑意已傾新詩出故人舊事疑
前生百生七往來送老海上城逢人輒自晒得魚不忍
烹似聞續溪老復作東都行小詩如秋菊艷艷霧中明
過此感我言長篇發春榮子由詩痛舟未得解坐
待兩開平濁木汗人思野寺為我清昔游有遺詠
存高甍故人獨未來一鐫誰與傾北風吹微雲暮寒依
月生前望邗溝路却指鐵壘城茅簷卜茲地江水供晨

早試問東坡翁畢老幾此行奔馳力不足隱約性愈明
遠天四平晴日暉暉散晚風冷清危亭下砥野骨閣
高連蕩起望斗與牛淮海相奔傾往來誰百年今昔我
平生悠悠何所寓臺上多化城與其逐影死寧似不鳴
燕咄哉應有止老矣將安行中庭和子落文室霜月明
此意竟蕭條猶然笑安榮張甚更詩我登甘棠
所向殊未平舟行汙地中頓失江湖清蛙聲亂僧喂鷓
吻蘇市蕩意同伯喈死荷與衛士傾開池種白蓮壘石
疑三生猶淹南斗墟終遠北斗城設我紫藕供報之白
茅烹三年後鶴友萬里秦楚行秋風隴首
至落日淮南明寄言懷土士慎勿慕官榮

和虛飄飄

虛飄飄虛飄飄風寒飄絮浪春暖履冰橋勢緩霜垂霰

聲乾葉下條雨中漚點沒流水風裏綵雲鋪遠霄虛飄

飄比時光影猶堅牢魯直唱虛飄飄虛飄飄花飛不

春卷三

空絲萬條屋樓百尺鬱漆滙鴈字一行書絳霄虛飄飄
比人生命猶堅牢子瞻和虛飄飄虛飄飄畫簷蛛
結網銀漢鵲成橋塵積雨梧葉霜飛風柳條露凝殘點
見紅日星曳餘光積碧霄虛飄飄比浮名利猶堅牢

和游金山

和子由同彥瞻

江流會揚子洶洶東南鶩海門劃前開金山屹中據鼓

鍾食萬指金鴈棲千柱夜庭游月波曉觀搏香霧天清

猿鳥哀風暗魚龍怒雲物橫古今濤波閱晨暮三州氣

色來上下端倪露偉哉元氣閒此勝知誰聚念昔憇精

廬登臨輒忘去汲新試團月飯素羹魁芋妙興入芳藤

真境在芒屨別來星暑換寤寐經從處忽蒙珠璧投了

與雲巒遇幽光炯肝肺爽氣森庭戶區中多滯念方外

饒奇趣寄語山阿人冷然行復御詩彦瞻遊金山子由

隱大如憤竭來長江上孤高二千尺僧居厭山小面

貼蒼石虛樓三百間正歷江湖白清風歛霧曉日曜

金碧直侵魚龍居似有鬼神役我行有程度欲去空

惜風吹度江水山僧午方食波瀾洗我心筍蕨飽我腹

平生足遊衍壯觀此云極鐵壘本誰安海門復誰植東

南遽隱見遙與此山正茲遊幾不遂深愧幕府客歸時

日已暮正值江月黑顧視天水并坐恐星斗濕使君何

時罷登覽不可失子由同彦瞻遊金山子由枉詩卒

章有使君何時罷登覽不可失之句因繼賦一首子駿

蓬萊三神山橫絕巨壘背壑傾海水動一峰失所在飛

來大江心盤礴幾千載化為金仙居龍象錯朱隱然勝

愛山江湖不斲忘君前或剖竹匏繫古維揚隱然勝

絕境旦旦遇相望不意二君子招携一葦航高攀躡雪

梯閣視瞰溟漲潮來隱天地萬里卷白浪波清霄漢淨

澄澈迷下上更深月正中山影杳無象蛟鼉四而穴形

勢三州壯融結既難窮丹青殊莫狀蘇侯韻高遠邵子

雅趨尚奇觀極無邊幽尋端未放浮生閱流水清話造

方丈畢景趣言歸侵星搖兩槳武功真好奇落筆掃珠

幾持語淮南守茲遊不可遺君思

早晚東南下一棹扁舟信所之

同子瞻端午日遊諸寺賦得深字

太史抱孤韻暢懷在登臨別乘載鄒枚佳辰事幽尋參

差水石瘦窅窕房櫳深清磬發踈箔妙香橫素襟復登

空堵波環回矚歛崱嶇雙溪貫城郭暝色帶孤禽涼飈動

爽籟薄雨生微陰塵想澹清漣牢愁洗芳斟揮筆訂往

古援毫示來今愧無刻燭敏績此金玉音

勝軒留連焚香引幽步詠茗開淨筵微雨止還作小窻

幽更妍盆山不見日草木自蒼然忽登最高塔眼界窮

大千卞嶂照城郭震澤浮雲天深沉既可喜曠蕩亦所

便幽尋未云畢瓊落生晚煙歸奈聽所歷耿耿清不眠

孤燈人亦未寢

寄陳季常

一鉤五十倍始具任公釣揭竿趣灌瀆與爾不同調先
生本西蜀俠氣見英妙哀憐世間兒細點似黃鷄侍童
雙擢玉鬚髮光可照駿馬錦障泥相隨窮海嶠平生攜
手好十七登廊廟小生相吏耶徒枉尺書召暮年更折
節學佛得心要鬻馬放阿變幅巾對沈燎泠泠屋外泉
兀兀原頭燒欲知山中樂萬古同一笑

淮海集卷第三

淮海集卷第四 古詩

秦觀 少游

同子瞻賦游惠山三首 其一王武陵韻 其二實群韻 其三朱宿韻

輟棹縱幽討籃輿入青蒼
圓頂相邀迓旃檀燎深堂
層巒淡如洗傑閣森欲翔
林芳含雨滋岫日隔林光
涓涓續清溜靡靡傳幽香
俯仰佳覽眺悠哉身世忘

史君厭機械所與惟散人
顧慙蒹葭陋繆倚瓊枝
新上千青礧礧下屬白磷磷
洞天不知老金界無棲塵
緬彼人間世烏蟾閱青旻
詎得踵三隱山阿相與鄰

五言

秦觀

樓觀相復重邈然闕深樾
九龍吐清泠瀟瀟曾未絕
罌缶馳千里真珠猶不滅
況復從茶僊茲焉試葵月
岸巾塵想消散策佳興
發何以慰遨嬉操觚繼前轍

子瞻云錢塘倅往來無錫未嘗不至惠山既去五年復為湖州與高郵秦少游抗僮參寥同至覽唐題士王陵實群朱宿所賦詩愛其語清簡蕭然有出塵之姿追用其韻各賦一夢裏五年過覺來雙鬢蒼還將塵土足一步漪瀾

堂俯窺松桂仰見鶴翔烟然肝肺間已作冰玉光虛明中有色清淨自生香還從世俗去永與世俗忘薄雲不遮山疎雨不濕人蕭蕭松桂滑策策芒鞋新嘉

我二三子於然無漏磷勝遊豈殊昔清句仍絕塵弔古泣蕙史疾譏歌小曼哀哉扶風子難與巢許鄰敲火發山泉烹茶避林樾明窓傾紫盞色味兩奇絕吾生眠

食耳一飽萬想滅頗笑玉川子飢弄三百月豈如山中人睡起山花發一畝誰與共門外無來轍參寥同賦山煙弄滅沒山木含蕊蒼刺舟傍遇岸理策外虛堂周遭騰層嶽矯矯如翔翔下聯平田流澹然浮日光青篁解初籜洗雨聞清香雖云迫前途真賞豈易忘暗朝雨寂歷無行人忽穿一卉未變以新培泉激

和齒照眼光
磷磷史君美
無度卓犖遺
爲塵局操
欲竹
酒談笑凌穹
旻何愧沈冥
予卧霞吞結
鄰揚穴度
來洗眼驚翠
遊雲姿既容
齋鳥弄更清
絕凌梯訪
蔚
琥珀亦未滅
嗟我魚目光
晴能綴明月
狂墨掃瑤
珠
煙塵中發殊
勝區
中入茫茫走
飛轍

馬上口占二首

向晨結束爭長途
利風刮面冰在鬚
岡窮得水馬不進
霧暗失道人相呼
悠悠旁舍見汲井
軋軋隔林聞輓車
游目騁懷自可樂
勿憶鄉縣增煩紆

霜風稜稜萬木枯
梅花破萼猶含鬚
田家往往事游獵
追逐狐兔相號呼
微茫山中起狂燒
隱約林梢低日車
馬頭漸覺有佳趣
勿厭阡陌多縈紆

四

卷之四

二

別子瞻

人生異趣各有求
繫風捕影祇懷憂
我獨不願萬戶侯
惟願一識蘇徐州
徐州英偉非人力
世有高名擅區域
珠樹三株詎可攀
玉海千尋真莫測
一昨秋風動遠情
便憶鱸魚訪洞庭
芝蘭不獨庭中秀
松柏仍當雪後青
故人持節過鄉縣
教以東來償所願
天上麒麟昔漫聞
河東鸞鷲今纔見
不將俗物礙天真
北斗已南能幾人
八埒學士風標遠
五馬使君恩意新
黃塵冥冥日月換
中有盈虛亦何算
據龜食蛤暫相從
請結後期游汗漫

子瞻詩
夜光明月非所投
逢年遇合百無憂
將軍百
竟不候伯郎
一斗得涼州
翅闊負重君無力
十年不

入為華城故人坐上見君文辭人自古人
語識君心短李他鄉各異縣天遣君來破
嗚驚倒人從橫亦淹留豈長筭山中既未
耳君輕公侯南三歲吾何才使君到後消
有客輕公侯南三歲吾何才使君到後消
相忘同異域新詩空使四座驚隱居未易
南歸無限情鴻飛勢書墮我疾此書兼置
靈句淮山青老夫強顏依府縣堆案文書
塵壘解人頤安得座右長相見狂客吾非
君似謫仙人未契長遭少年笑白髮應慙
酒貴誰當換塵埃垢面非良笑歸來泗上
黃花霜爛熳

和黃法曹憶建溪梅花

海陵參軍不枯槁醉憶梅花愁絕倒為憐一樹傍寒溪

花水多情自相惱清淚班班知有恨恨春相逢苦不早

甘心結子待君來洗雨梳風為誰好誰云廣平心似鐵

不惜珠璣與揮掃月沒參橫畫角哀暗香銷盡令人老

天分四時不相貸孤芳轉盼同衰草要須健步遠移歸

亂插繁華向晴昊參寥詩 朔風蕭蕭方振槁雪壓茅

僧少病機強將筆刀為寫麗句已輸何遜早碧桃丹

杏空自研藥香無此好先生勢酒傍玉叢醉裏雄

詞驚電掃東溪不見謫仙人江路還逢少陵老我雖不

飲為詩率不惜山衣同藉草要須陶令插花歸醉卧春

風軟軒昊子瞻和少游詩西湖處士骨應槁只有

此詩君壓側東坡先生心已交為愛君詩被花惱多情

立馬待黃昏殘雪消通月出早江頭千樹春欲暗竹外

南無雪春瘴生為散冰花除熱惱風清月落無人見
 耕自越嚴鍾早惟自飛塵空無可掃故將妙語寄多情
 山道之心似水眼淨塵空無可掃故將妙語寄多情
 撼欲寄東坡老東坡習氣除未盡時復長篇書小章且
 撼長條殘落英忍飢未忍呼穹昊子由和少游詩云
 老夫毛骨日凋槁愁見米鹽惟醉倒忽憶驛客賦寒梅
 感物傷春同懊惱江邊不識北風勁墻頭知有南枝早
 未開素質夜光明半落清香春更好隣家小婦學閑媚
 現粧唯有長眉掃孤芳已與飛霞競結子仍先百花老
 苦遺橫笛亂飛英不見遊人醉芳草可憐物性空自知
 羞作繁華助芒昊子由和參寥詩憐君古木依巖槁
 西江飲盡須彌倒野花幽草亦何為嶮語長篇空自惱
 萬點浮溪輒長嘆一枝過嶺誇先早拾香不忍將塵污
 嚼藥更憐真味好道人遇物心有得瓦竹相敲緣自掃
 誰知真妄了不妨今我至今思健老妙明真覺昔未識
 但向閑窗看詩草浮雲時起鳥四飛畢竟安能亂清昊

送少章弟赴仁和主簿

秦卷四

四

我宗本江南為將門列戟中葉徙淮海不仕但潛德先
 祖實起家先君始縫掖議郎為名士余亦忝詞客風流
 以及汝三通桂堂藉汝弱不好弄文章有新格久從先
 生游術業良未測武林一都會山水富南國下有賢別
 駕上有明方伯干將入砥礪驥馭就銜勒勿矜孔鸞姿
 不樂棲枳棘吳中多高士往往寄老釋辨才雖物化參
 寥猶夙昔投閑數訪之可得三友益少來輕別離老去
 重乖隔念汝遠行役惘惘意不懌道山雖云佳久寓有
 飢色功名已絕意政苦婚嫁迫終從大人議稅駕邗溝
 側追蹤漢兩躔父子老阡陌

送李端叔從辟中山

人畏朔風聲我聞獨竄懷豈不知凜冽為自中山來
 端叔天下士淹留寒楚無成去從中山辟良亦慰平生
 與君英妙時俠氣上參天孰云行半百身世各茫然
 當時見戲念今日已灰死著書如結罽聊以忘憂耳
 駸駸歲道盡淮海歸無期功名良獨難雖成定奚為
 念君遠行役中夜憂反側攬衣起成章贈以當馬策

淮海集卷第四

四三十八

卷第四

五





